

BOSNA I HERCEGOVINA
Federacija Bosne i Hercegovine
TUZLANSKI KANTON
JP „Međunarodni aerodrom Tuzla” d.o.o.

Broj: 05/2-45-640-11/26
Dubrave Gornje, 24.06.2026.godine

Na osnovu člana 69. stav (1) tačka a) i člana 70. Zakona o javnim nabavkama BiH („Službeni glasnik Bosne i Hercegovine“ broj: 39/14, 59/22 i 50/24), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime Uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U o izboru najpovoljnijeg ponuđača

I

Ponuda ponuđača **Bima AZ Bau d.o.o. Živinice**, za ponuđenu cijenu od **63.879,17 KM bez PDV-a** proglašava se najpovoljnijom, te se imenovanom ponuđaču dodjeljuje **Ugovor o nabavci radova na uređenju enterijera VIP salona** na JP „Međunarodni aerodrom Tuzla“ d.o.o.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Posebnom odlukom o pokretanju postupka broj: 05/2-45-640/26 od 14.05.2026. godine i odlukom o pokretanju postupka broj: 05/2-45-640-1/26 od 14.05.2026. godine, pokrenut je konkurentski zahtjev za nabavku radova na uređenju enterijera VIP salona, ukupne procijenjene vrijednosti 63.883,00 KM bez PDV-a.

Tenderskom dokumentacijom i obavještenjem o nabavci rok za dostavljanje ponuda je bio do 25.05.2026. godine do 09:00 sati, a javno otvaranje pristiglih ponuda izvršeno je istog dana sa početkom u 09:30 sati, a što je sve konstatovano zapisnikom sa otvaranja ponuda broj: 05/2-45-640-7/26. Zapisnik sa otvaranja ponuda dostavljen je svim ponuđačima u skladu sa zakonskim i podzakonskim aktima.

Komisija imenovana za provođenje predmetnog postupka je pristupila pregledu i ocjeni dostavljenih ponuda. Predmetnom tenderskom dokumentacijom utvrđeni kriterij za dodjelu ugovora je „NAJNIŽA CIJENA“.

Prema zapisniku sa otvaranja ponuda broj: 05/2-45-640-7/26, Komisija konstatuje da su blagovremeno zaprimljene dvije (2) ponude i to ponude ponuđača:

1. **Bima AZ Bau d.o.o. Živinice**, čija je ukupna cijena ponude iznosi 63.879,17 KM bez PDV-a
2. **JELOVICA d.o.o. Tuzla**, čija ukupna cijena ponude iznosi 63.875,35 KM bez PDV-a.

Pregled i ocjena pristiglih ponuda - Bima AZ Bau d.o.o.

Komisija je izvršila uvid u pristiglu ponudu ponuđača **Bima AZ Bau d.o.o. Živinice**, te je utvrdila da ponuda sadrži:

Ovjerenu izjavu iz člana 45. Zakona o javnim nabavkama BiH. Kao dokaz o ispunjavanju uslova iz člana 46. Zakona, ponuđač je dostavio ovjerenu kopiju aktuelnog izvoda iz sudskog registra.

Kada je riječ o ekonomskoj i profesionalnoj sposobnosti ponuđača i dostavljanju traženih dokaza, Komisija je konstatovala da je dostavljena izjava iz člana 47 Zakona, zatim kopija potvrde banke od 19.05.2026. godine kojom se potvrđuje solventnost ponuđača za period koji je utvrđen tenderskom dokumentacijom, kao i kopija izvještaja o računima poslovnog subjekta izdatog od strane Centralne banke BiH od 19.05.2026. godine.

U pogledu sukoba interesa, ponuđač je dostavio ovjerenu izjavu iz člana 52. Zakona.

U svrhu dokazivanja tehničke i profesionalne sposobnosti, ponuđač je dostavio spisak izvršenih ugovora i dvije (2) potvrde o uredno izvršenim ugovorima.

Komisija je izvršila uvid u dostavljene potvrde, te je utvrdila da dostavljena potvrda o uspješno realizovano ugovoru koja se odnosi na izgradnju sportskog objekta „Balon hale“ II faza, se ne može uzeti kao dokaz da ponuđača ispunjava uslove koji su definisani tačkom 3.4.2. tenderske dokumentacije.

Naime predmetnom tačkom je definisano da je ponuđač dužan dostaviti spisak izvršenih ugovora kojim dokazuje da ima najmanje jedan ili više uspješno realizovanih ugovora čija ukupna (kumulativna) vrijednost iznosi najmanje 60.000,00 KM bez PDV-a, čiji je predmet isti ili sličan predmetu nabavke. Pod sličnim ugovorni organ je definisao radove koji se odnose na uređenje poslovnih ili reprezentativnih prostora (recepције, upravne zgrade) ugostiteljskih objekti višeg standarda (resotrani, hoteli, lounge barovi).

Obzirom da se predmetna ponuda odnosi na izgradnju sportskog objekta, koji nije isti niti sličan predmetu nabavke koji provodi Ugovorni organ, Komisija istu nije prihvatila kao valjan dokaz o ispunjavanju tehničke i profesionalne sposobnosti ponuđača.

U pogledu druge dostavljene ponude, istom je definisano da je predmetni ponuđač uspješno realizovao sve obaveze iz ugovora, a koje su se odnosile na izvođenje građevinskih, zidarskih, tesarskih i molersko-farbarskih radova na objektu, ukupne vrijednosti od 101.778,73 KM sa PDV-om.

Obzirom da se iz navedene potvrde ne može utvrditi o kakvoj vrsti objekta se radi, Ugovorni organ je aktom broj: 05/2-45-640-8/26 od 05.06.2026. godine, tražio od ugovornog organa „Kavgico“ d.o.o. Živinice koji je izdao potvrdu o uspješno realizovanom ugovoru, informaciju o kakvoj vrsti objekta se radi, na kojem su izvedeni gore pomenuti radovi.

Predmetni ugovorni organ je u svom odgovoru naveo da je ponuđač Bima AZ Bau d.o.o. Živinice izvodila radove na poslovnom objektu, sa detaljnim opisom izvedenih radova. Uvidom u dostavljeno pojašnjenje, utvrđeno je da se predmetna ponuda može uzeti kao dokaz o ispunjavanju tehničke i profesionalne sposobnosti ponuđača Bima Az Bau d.o.o., obzirom da se iz dostavljenog odgovora može utvrditi vrsta i namjena objekta odnosno da je riječ o poslovnom objektu sa kancelarijama, mokrim čvorom, salom za sastanke, sa izvedenim radovima koji se odnose na izradu pregradnih zidova i plafona od gipskartonskih ploča, ugradnja sanitarije, krečenje, zatim ugradnja materijala na plafonima sa led rasvjetom, ugradnja zidnih obloga sa specijalnom rasvjetom i rasvjetnim efektima i podnim etisonima, a što odgovara uslovu definisanom tenderskom dokumentacijom, koji podrazumijeva radove na uređenju poslovnih ili reprezentativnih prostora (upravne zgrade).

Na osnovu naprijed navedenog, Komisija je ponudu ponuđača Bima AZ Bau d.o.o. Živinice ocjenila kao prihvatljivom.

U pogledu druge ponuda dostavljene od strane ponuđača **JELOVICA d.o.o. Tuzla**, Komisija je uvidom utvrdila da je dostavljena ovjerena izjava o ispunjavanju uslova iz člana 45. i 52. Zakona, zatim ovjerena kopija aktuelnog izvoda iz sudskog registra, kojim dokazuje da je registrovan za obavljanje predmetne djelatnosti.

U pogledu ekonomske i finansijske sposobnosti, ponuđač je dostavio kopiju potvrde banke od 20.06.2026. godine u kojoj ima otvoren glavni račun i kojom potvrđuje da je bio solventan u posljednjih dvanaest mjeseci računajući od datuma izdavanja potvrde, zatim kopiju izvještaja o računima od 22.05.2026. godine izdatog od strane Centralne banke BiH. Pored navedenih dokaza ponuđač je dostavio popunjenu i ovjerenu izjavu o ispunjavanju uslova iz člana 47. Zakona.

U svrhu dokazivanja tehničke i profesionalne sposobnosti ponuđač je dostavio spisak ugovora, te tri (3) potvrde o uredno izvršenim ugovorima.

Komisija je izvršila uvid u dostavljene potvrde s ciljem provjere ispunjenosti uslova definisanog tačkom 3.4.2. tenderske dokumentacije.

Uvidom u prvu dostavljenu potvrdu utvrđeno je da se ista odnosila na ugovor čiji je predmet bila izgradnja sportskog objekta „Balon hale“ II faza.

Komisija nije prihvatila navedenu potvrdu kao dokaz ispunjenja traženog uslova obzirom da se ista ne odnosi poslove koje je Ugovorni organ definisao tenderskom dokumentacijom kao isti ili sličan predmetu nabavke.

Izgradnja sportskog objekta (balon hale) po svom karakteru i ne može se smatrati radovima na uređenju poslovnih ili reprezentativnih prostora, niti ugostiteljskih objekata višeg standarda, kako je to izričito zahtijevano predmetnim uslovom iz tenderske dokumentacije.

U pogledu druge potvrde, komisija istu nije prihvatila jer se predmet tog ugovora odnosi na nabavku i isporuku namještaja po mjeri. Ugovorni organ provodi postupak koji za predmet ima radove. Obzirom da se predmetna potvrda odnosi na nabavku i isporuku robe, ista se ne može uzeti u obzir kao dokaz o ispunjavanju traženih uslova u pogledu tehničke i profesionalne sposobnosti ponuđača.

Kada je riječ o trećoj dostavljenoj potvrdi, ni ovu potvrdu Komisija nije ocijenila kao valjan dokaz o ispunjavanju traženih uslova, obzirom da se ista odnosi na nabavku i ugradnju tekstilnih podnih ploča, a što predstavlja nabavku robe sa dodatnim uslugama ugradnje.

Imajući u vidu navedene činjenice, da predmetni ponuđač nije uspio dokazati svoju tehničku i profesionalnu sposobnost, Komisija je navedenu ponudu ocijenila kao neprihvatljivu.

U tenderskoj dokumentaciji Ugovorni organ je definisano da je kriterij za dodjelu ugovora „najniža cijena“, te da će se provoditi e-aukcija.

Komisija je nakon završenog pregleda i ocjene pristigla ponuda, konstantovala da je od dvije zaprimljene ponude samo jedan dostavljen u skladu sa tenderskom dokumentacijom, te je kao takva ocijenjena kao prihvatljiva.

S obzirom da je samo jedna ponuda prihvatljiva, u konkretnom slučaju nisu bili ispunjeni uslovi za e-aukciju i ista se ne zakazuje.

Imajući u vidu sve naprijed navedeno, Komisija je konstatovala da je, nakon izvršenog pregleda i ocjene ponuda u skladu sa uslovima iz tenderske dokumentacije, ponuda ponuđača **Bima AZ Bau d.o.o. Živinice** ocijenjena kao prihvatljiva, dok je ponuda ponuđača **JELOVICA d.o.o. Tuzla** ocijenjena kao neprihvatljiva iz razloga navedenih u ovom zapisniku.

Na osnovu naprijed navedenog, donesena je odluka kao u dispozitivu.

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
2 x Ponuđačima
1 x Evidencija
1 x a/a



DIREKTOR
Dževad Halilčević